


Fréttatilkynning frá Össuri hf.
Reykjavík, 28. apríl 2009

Helstu niðurstöður fyrir fyrsta ársfjórðung 2009

- Sala var 77,2 milljónir Bandaríkjadala, dróst saman um 13%, eða 4% mælt í staðbundinni mynt
- EBITDA var 12,9 milljónir Bandaríkjadala, dróst saman um 26%* mælt í staðbundinni mynt
- EBITDA hlutfall var 17%, samanborið við 20%* fyrir sama tímabil í fyrra
- Hagnaður tímabilsins var 7,6 milljónir Bandaríkjadala, samanborið við 6,7 milljónir á sama tímabili árið 2008
- Hagnaður á hlut að teknu tilliti til kaupréttar var 1,79 bandarísk sent, samanborið við 1,58 sent á sama tímabili í fyrra
- Hagnaður að viðbættum afskriftum á útistandandi hlut, að teknu tilliti til kaupréttar, var 2,98 bandarísk sent, óbreytt miðað við sama tímabil árið 2008

Jón Sigurðsson, forstjóri:

„Sala á fyrsta ársfjórðungi var minni en við væntum og dróst saman um 4%, mælt í staðbundinni mynt. Efnahagsþrengingar á öllum okkar helstu mörkuðum hafa áhrif á söluna á fyrsta ársfjórðungi. Sala á stoðtækjum er í takt við vöxt markaðarins, en sala á spelkum og stuðningsvörum er minni en áætlað var í Bandaríkjunum. Við höfum gert töluverðar breytingar í stjórnun á sölu og markaðsmálum sem við væntum að muni skila árangri. Á árinu 2009 eru margar nýjar og spennandi vörur væntanlegar og voru tvær nýjar vörur kynntar á fyrsta ársfjórðungi.“



*Ath. að undanskildum einskiptistekjum á fyrsta ársfjórðungi 2008

Össur hf. kynnis afkomu fyrsta ársfjórðungs, þriðjudaginn 28. apríl kl. 12:00

Össur hf. birtir afkomu fyrir fyrsta ársfjórðung 2009, þriðjudaginn 28. apríl, fyrir opnun markaða.

Kynningarfundur fyrir hluthafa og markaðsaðila verður haldinn 28. apríl í höfuðstöðvum félagsins, að Grjóthálsi 5, Reykjavík og hefst kl. 12:00. Þar mun Jón Sigurðsson, forstjóri og Hjörleifur Pálsson, fjármálastjóri, kynna afkomu félagsins og svara spurningum. Fundurinn fer fram á ensku.

Sýnt verður beint frá fundinum á netinu, á slóðinni www.ossur.com/investors

Einnig verður hægt að taka þátt í fundinum í síma. Eftirfarandi eru innhringínúmer fyrir fundinn:

Ísland: **800-8857**

Evrópa: + 44 (0) 208 817 9301

Bandaríkin: +1 718 354 1226

Kynningarefni verður aðgengilegt á heimasíðu Össurar: www.ossur.com, fréttavef Kauphallarinnar Nasdaq OMX: <http://nasdaqomxnordic.com/Frettir> og á www.huginonline.com

Rekstrarniðurstöður fyrir fyrsta ársfjórðung 2009

Eftirfarandi eru helstu rekstrarniðurstöður fyrir fyrsta ársfjórðung árið 2009.

Rekstrarreikningur 2009 (USD '000)	Q1 2009	% af sölu	Q1 2008	% af sölu	Breyting
Sala	77.180	100,0%	88.870	100,0%	-13,2%
Kostnaðarverð seldra vara	(30.155)	-39,1%	(33.786)	-38,0%	-10,7%
Framlegð	47.025	60,9%	55.084	62,0%	-14,6%
Aðrar rekstrartekjur	227	0,3%	5.739	6,5%	-96,0%
Sölu- og markaðskostnaður	(24.063)	-31,2%	(25.406)	-28,6%	-5,3%
Þróunarkostnaður	(4.965)	-6,4%	(5.424)	-6,1%	-8,5%
Skrifstofu- og stjórnunarkostnaður	(10.375)	-13,4%	(12.952)	-14,6%	-19,9%
Rekstrarhagnaður	7.849	10,2%	17.041	19,2%	-53,9%
Fjármunatekjur	5.284	6,8%	93	0,1%	5581,7%
Fjármagnsgjöld	(3.387)	-4,4%	(9.136)	-10,3%	-62,9%
Hagnaður fyrir tekjuskatt	9.746	12,6%	7.998	9,0%	21,9%
Tekjuskattur	(2.173)	-2,8%	(1.314)	-1,5%	65,4%
Hagnaður tímabilsins	7.573	9,8%	6.684	7,5%	13,3%
EBITDA	12.865	16,7%	22.950	25,8%	-43,9%
EBITDA leiðrétt*	13.593	17,6%	17.449	19,6%	-22,1%

* leiðrétt fyrir einskiptistekjum og einskiptiskostnaði.

Ath: Eins og tilkynnt var í ársuppgjöri félagsins verður flutningskostnaður framvegis skilgreindur sem sölu- og markaðskostnaður í stað sölu og/eða kostnaðarverðs seldra vara.

Rekstrarreikningur fyrir fyrsta ársfjórðung 2009

Sala fjórðungsins var 77,2 milljónir Bandaríkjadala, samanborið við 89,9 milljónir Bandaríkjadala á sama tímabili í fyrra. Neikvæð gengisáhrif á sölu námu 8,2 milljónum Bandaríkjadala. Salan dróst saman um 13% mælt í Bandaríkjadöllum, en 4% mælt í staðbundinni mynt. Salan fór hægt af stað í janúar en jókst jafnt og þétt eftir því sem leið á fjórðunginn. Viðskiptavinir fara varlega vegna efnahagsþrenginga á helstu mörkuðum félagsins. Efnahagsþrengingarnar hafa áhrif á söluna á fyrsta ársfjórðungi.

Framlegð var 47,0 milljónir Bandaríkjadala, samanborið við 55,1 milljón árið á undan sem er 15% samdráttur. Nettó neikvæð gengisáhrif námu 3,4 milljónum Bandaríkjadala. Að undanskildum gengisáhrifum, dregst framlegðarhlutfallið saman um 2,9 prósentustig. Samdrátturinn skýrist að hluta til af endurmati á birgðum sem nemur 1,2 milljónum Bandaríkjadala, eða 1,1 prósentustigi. Endurmat á birgðum er framkvæmt reglulega, en

umtalsverð veiking á íslensku krónunni hefur áhrif á niðurstöðuna. Slök sala hefur einnig áhrif á hlutfallið á móti sölu vegna fastakostnaðar.

Aðrar rekstrartekjur námu 227 þúsundum Bandaríkjadala, samanborið við 5,7 milljónir dala á sama ársfjórðungi í fyrra. Undir liðnum aðrar rekstrartekjur á ársfjórðungnum í fyrra eru 5,5 milljónir dala vegna sölu á sáraumbúðavörulínu.

Kostnaðarliðir sem hlutfall af sölu voru 51%, samanborið við 49% á fyrsta ársfjórðungi 2008. Hlutfall rekstrarkostnaðar af sölu eykst um 1,8 prósentustig vegna fastakostnaðar og lægri sölu. Að undanskildum gengisáhrifum var kostnaður í Bandaríkjadöllum óbreyttur milli ára.

Rekstrarhagnaður nam 7,8 milljónum Bandaríkjadala, sem er 10% af sölu, samanborið við 17,0 milljónir og 19% af sölu á fyrsta fjórðungi 2008. Að frátöldum gengisáhrifum og einskiptistekjum árið 2008, dregst rekstrarhagnaðurinn saman um 41%. Fastur kostnaður og slök sala hafa áhrif á hlutföllin.

Afskriftir ófnislegra eigna vegna fyrirtækjakaupa námu 3,1 milljónum Bandaríkjadala samanborið við 3,6 milljónir dala á sama tímabili 2008. Afskriftir í kjölfar fyrirtækjakaupa á liðnum árum eru í samræmi við reikningsskilastaðla og hafa áhrif á rekstrarreikning þó svo að undirliggjandi eignir geti haldið verðgildi sínu. Gert er ráð fyrir að afskriftir ófnislegra eigna muni lækka talsvert árið 2010.

Nettó fjármagnsgjöld á fyrsta ársfjórðungi voru jákvæð um 1,9 milljónir Bandaríkjadala, samanborið við neikvæð fjármagnsgjöld sem nema 9,0 milljónum dala árið 2008. Þessar breytingar eru einkum vegna gengisáhrifa evru gagnvart Bandaríkjadala. Gengisáhrif breyttust frá því að vera neikvæð sem nemur 4,2 milljónum dala á fyrsta ársfjórðungi 2008 í að vera jákvæð sem nemur 5,2 milljónum dala á þessum fjórðungi. Gengisáhrifin eru einkum vegna evruhluta langtímalána félagsins, en þau voru jákvæð um 3,2 milljónir Bandaríkjadala á fyrsta ársfjórðungi 2009. Engir framvirkir gjaldmiðlasamningar voru á fjórðungnum.

Í kjölfar hruns Kaupþings banka í október 2008 ríkir óvissa um vaxtaskiptasamninga félagsins. Össur hefur formlega lýst því yfir að samningarnir séu ógildir, aðallega vegna þess að mótaðilinn er ófær um að standa við sinn hluta samningsins. Í lok mars var markaðsvirði samningsins neikvætt sem nemur 10,9 milljónum dala. Breytingar á markaðsvirði samningsins að frádregnum skatti eru færðar yfir eigið fé í reikningum félagsins.

Tekjuskattur nam 2,2 milljónum Bandaríkjadala sem er 22% virkt skatthlutfall samanborið við 1,3 milljónir dala og 16% virkt skatthlutfall á sama tímabili árið á undan. Lækkun á langtímalánum félagsins hefur áhrif á skattahagræði sem hefur að hluta til áhrif á hækkunina. Virkt skatthlutfall er á því bili sem gert er ráð fyrir á árinu, sem er á milli 20-25%.

Hagnaður tímabilsins nam 7,6 milljónum Bandaríkjadala, samanborið við 6,7 milljónir Bandaríkjadala á sama tímabili 2008.

EBITDA nam 12,9 milljónum Bandaríkjadala og 17% af sölu, samanborið við 23,0 milljónir dala og 26% af sölu á sama ársfjórðungi í fyrra. EBITDA leiðrétt nam 13,6 milljónum dala og 18% af sölu, samanborið við 17,4 milljónir dala og 20% af sölu á fyrsta ársfjórðungi 2008. Einskiptiskostnaður 2009 nam 728 þúsundum dala, þar á meðal starfslokagreiðslur, á móti einskiptistekjum vegna sölu á sáraumbúðavörulínu félagsins sem nam 5,5 milljónum dala á fyrsta ársfjórðungi 2008.

Vöruflokkar

Skipting sölu milli vöruflokka var þessi:

USD '000	Q1 2009	% af sölu	Vöxtur í USD	Vöxtur í staðb. mynt
Stuðningsvörur	39.149	51%	-17%	-8%
Stoðtæki	32.800	42%	-5%	4%
Blóðrásarmeðferðir	4.663	6%	-21%	-9%
Annað	568	1%	-60%	-52%
Samtals	77.180	100%	-13%	-4%

Spelkur og stuðningsvörur

Sala á spelkum og stuðningsvörum dróst saman um 17%. Sala mæld í staðbundinni mynt dróst saman um 8%. Sala á spelkum og stuðningsvörum í Bandaríkjunum var undir markmiðum á síðastliðnu ári og því hafa verið gerðar breytingar á stjórnun sölu- og markaðsmála. Þess er vænst að breytingar sem gerðar hafa verið undanfarið ár í Bandaríkjunum muni skila árangri þegar líður á árið. Sala á spelkum og stuðningsvörum hjá EMEA var slök á fjórðungnum.

Á árinu voru tvær nýjar vörur kynntar á markaðnum, Cold Rush™ Cold Therapy System og Hiptric™. Cold Rush™ Cold Therapy System er áhrifarík leið til þess að milda og minnka bólgu og verki eftir aðgerðir. Hiptric er spelka til

að nota eftir aðgerð, og er sérstaklega hönnuð til þess að vernda sjúklinga eftir mjaðmaliðsskipti, aðrar mjaðmaaðgerðir eða önnur meiðsl og óþægindi sem má bæta með hreyfistjórnun.

Fleiri nýjar vörur og vörunýjungar eru væntanlegar á árinu.

Stoðtæki

Sala á stoðtækjum dróst saman um 5%. Sala mæld í staðbundinni mynt jókst um 4%, sem er í takt við áætlaðan markaðsvöxt. Á fjórða ársfjórðungi síðasta árs var kynntur nýr ökkli, Flex-Foot Assure. Flex-Foot Assure hefur fengið mjög góðar móttökur og hefur salan verið umfram væntingar. Ökklinn byggir á grundvallar Flex-Foot tækni og veitir mjúkt og stöðugt göngulag með kraftmiklu viðbragði.

Fleiri nýjar og spennandi vörur og vörunýjungar eru væntanlegar árið 2009.

Vörur fyrir blóðrásarmeðferðir

Sala á vörum til nota við blóðrásarmeðferðir dróst saman um 21%. Sala mæld í staðbundinni mynt, dróst saman um 9%. Á síðasta ári var lögð mikil áhersla á að endurnýja vörulínuna og selja nýju vörurnar til lyfjaverslana. Samdráttur í sölu á fyrsta fjórðungi var einkum vegna þess að lyfjaverslanir gerðu smærri pantanir til þess að minnka birgðir. Salan fór rólega af stað í ársbyrjun en jókst jafnt og þétt þegar leið á fjórðunginn.

Markaðssvæði

Dreifing sölu eftir markaðssvæðum var sem hér segir:

USD '000	Q1 2009	% af sölu	Vöxtur USD	Vöxtur í staðb. mynt
Ameríku	35.988	46%	-9%	-8%
EMEA	38.362	50%	-18%	-1%
Asía	2.831	4%	5%	12%
Samtals	77.180	100%	-13%	-4%

Ameríka

Sala dróst saman um 9% hjá Össur Americas og um 8%, mælt í staðbundinni mynt. Á fyrsta ársfjórðungi voru gerðar breytingar á stjórnun í sölu- og markaðsmálum. Á fjórðungnum fékk Össur Americas birgjasamning við Novation sem sér um samninga fyrir VHA Inc., University Health System Consortium (UHC) og Provista. Samningurinn sem er til 5 ára gerir ráð fyrir að Össur afhendi hnjóspælkur og spælkur til nota eftir aðgerðir og aðrar mjúkvörur til aðila innan Novation. Þátttaka í samningum sem þessum er jákvæð viðbót við viðskiptavinahópinn í spælkum og stuðningsvörum og mikilvægt tækifæri fyrir Össur Americas til að auka fjölbreytni viðskiptavina sinna.

Salan í Bandaríkjunum nam 46% af heildarsölunni, samanborið við 45% á fyrsta fjórðungi 2008.

Evrópa, Mið-Austurlönd og Afríka (EMEA)

Sala í Evrópu, Mið-Austurlöndum og Afríku dróst saman um 18% og 1% mælt í staðbundinni mynt. Efnahagsþrengingar hafa áhrif á sölu hjá EMEA þar sem að sala í gegnum þjónustustöðvar á Bretlandi hefur dregist töluvert saman. Sala hjá Gibaud dróst saman um 3% mælt í staðbundinni mynt. Sala á spælkum og stuðningsvörum hjá Gibaud jókst um 5%, að undanskilinni sölu á *Comfort* vörulínu. Eins og áður hefur komið fram hefur verið dregið úr áherslu á þessa vörulínu síðastliðin tvö ár, en hún er ekki í endurgreiðslukerfinu. Minnkun á sölu á þessari vörulínu hefur áhrif á sölu í spælkum og stuðningsvörum hjá EMEA sem nemur 2,0 prósentustigum. Áhrif á heildarsölu eru töluverð, eða sem nemur 3,1 prósentustiga lækkun hjá Gibaud og 1,2 prósentustiga lækkun á heildarsölu EMEA.

Sala Össur EMEA nam 50% af heildarsölunni, samanborið við 52% á fyrsta fjórðungi 2008.

Asía

Söluaukning í Asíu var 5%, mælt í Bandaríkjadöllum og 12%, mælt í staðbundinni mynt.

Sala í Asíu nam 4% af heildarsölunni, samanborið við 3% á fyrsta fjórðungi 2008.

Efnahagsreikningur

Efnahagsreikningur (USD '000)	31. mars 2009	31. des. 2008	% Breyting
Fastafjármunir	448.814	458.046	-2%
Veltufjármunir	132.778	145.732	-9%
Eignir samtals	581.592	603.778	-4%
Eigið fé	247.050	249.648	-1%

Langtímaskuldir	260.778	222.036	17%
Skammtímaskuldir	73.764	132.094	-44%
Eigið fé og skuldir samtals	581.592	603.778	-4%
Veltufjárhlutfall	1,8	1,1	
Eiginfjárhlutfall	42%	41%	
Nettó vaxtaberandi skuldir/EBITDA	3,2	2,9	

Eiginfjárhlutfall í lok fjórðungsins var 42%, samanborið við 41% í árslok 2008.

Nettó vaxtaberandi skuldir á móti EBITDA var 3,2x EBITDA í lok tímabilsins. Fjárhagslegur styrkur Össurar er góður og í takt við stefnu félagsins. Lækkun á eignum er einkum vegna gengisáhrifa evru á móti dollar.

Endurfjármögnun lána var lokið í febrúar sem tryggir langtímafjármögnun félagsins.

Sjóðstreymi

Sjóðstreymi (USD '000)	Q1 2009	% af sölu	Q1 2008	% af sölu
Hreint veltufé frá rekstri	9.007	12%	19.505	22%
Handbært fé frá rekstri	7.003	9%	14.278	16%

Hreint veltufé frá rekstri dróst saman um 53,8%. Einskiptistekjur vegna sölu á sáraumbúðavörulínu félagsins hefur áhrif á samanburðinn. Að einskiptistekjunum undanskildum dregst hreint veltufé saman um 35,7%. Handbært fé frá rekstri dróst saman um 50,9% milli ára.

Fjárfestingar í fastafjármunum námu 1,6 milljónum Bandaríkjadala sem jafngildir 2,1% af sölu, samanborið við 1,7 milljón og 1,9% af sölu á fyrsta ársfjórðungi 2008.

Fjárhagslegur styrkur Össurar er góður og nam handbært fé í lok ársins 26 milljónum dala. Í árslok var dregið á kreditlínu félagsins sem nemur 9,6 milljónum dala.

Hagnaður á hlut

Hagnaður á hlut	Q1 2009	Q1 2008	Breyting
Hagnaður á hlut að teknu tilliti til kaupréttá (bandarísk sent)	1,79	1,58	13%
Hagnaður að viðbættum afskriftum á útistandandi hlut að teknu tilliti til kaupréttá (bandarísk sent)	2,98	2,98	0%

Samanburður fimm ársfjórðunga

Samanburður sl. fimm ársfjórðunga (USD '000)	Q1 2009	Q4 2008	Q3 2008	Q2 2008	Q1 2008
Sala	77.180	79.440	86.470	92.055	88.870
Framlegð	47.025	49.011	53.709	56.399	55.084
Rekstrarhagnaður	7.849	10.815	15.358	12.744	17.041
Fjármunatekjur / (fjármagnsgjöld)	1.897	(5.969)	2.382	(5.095)	(9.043)
Hagnaður fyrir tekjuskatt	9.746	4.846	17.740	7.649	7.998
Hagnaður tímabilsins	7.573	4.171	13.689	3.944	6.684
EBITDA	12.865	16.324	21.128	19.040	22.950
EBITDA leiðrétt*	13.593	16.847	19.112	19.040	17.449
Framlegð sem hlutfall af sölu	61%	62%	62%	61%	62%
EBITDA sem hlutfall af sölu	17%	21%	24%	21%	26%
EBITDA leiðrétt* sem hlutfall af sölu	18%	21%	22%	21%	20%
Eigið fé	247.050	249.648	264.383	268.931	259.336

Heildareignir	581.592	603.778	614.944	645.924	651.358
Veltufjárlutfall	1,8	1,1	1,1	1,1	0,6
Eiginfjárlutfall	42%	41%	43%	42%	40%
Nettó vaxtaberandi skuldir / EBITDA s.l. 12 mán.	3,2	2,9	3,2	3,5	3,6
Nettó vaxtaberandi skuldir / EBITDA s.l. 12 mán. leiðrétt*	3,3	3,3	3,7	4,3	4,4
Veltufé frá rekstri	9.007	7.877	17.336	13.352	19.505
Handbært fé frá rekstri	7.003	19.372	11.809	7.376	14.278
Hagnaður á hlut (bandarísk sent)	1,79	0,99	3,24	0,93	1,58
Hagnaður á hlut að viðbættum afskriftum (bandarísk sent)	2,98	2,29	4,60	2,42	2,98
Verð á hlut í lok tímabils (ISK)	89,7	99,8	93,8	93,4	92,7
Markaðsvirði í lok tímabils í milljónum dala	310	349	391	498	511

*Leiðrétt fyrir einskiptiskostnaði og einskiptistekjum

Rekstrarhorfur

Efnahagsþrengingar á helstu mörkuðum félagsins höfðu áhrif á sölu á fyrsta ársfjórðungi. Óvissa og miklar sveiflur í gjaldmiðlum gerir það að verkum að erfitt er að spá fyrir um afkomu félagsins fyrir 2009. Stjórnendur gera ráð fyrir að vöxtur standi í stað, mælt í staðbundinni mynt, miðað við að núverandi efnahagsþrengingar hafi takmörkuð áhrif á markaði félagsins.

Frá því að félagið var skráð árið 1999 hefur verið lögð mikil áhersla á að viðhalda fjárfestatengslastefnu félagsins. Áherslan felst í því að þjóna hluthöfum á sem bestan veg og hafa metnað að leiðarljósi í upplýsingagjöf og samskiptum við hagsmuna- og markaðsaðila. Í kjölfar efnahagshrunsins síðastliðið haust er hlutabréfamarkaðurinn enn minni að stærð, veltan mjög lítil og að auki hafa gjaldeyrishöft mjög hamlandi áhrif. Að svo stöddu er félagið að kanna leiðir til þess að ýta þessum hindrunum úr vegi, þar á meðal með því að skoða möguleika á tvöfaldri skráningu. Helstu ástæðurnar eru að auka viðskipti og eðlilega verðmyndun á bréfum félagsins sem og að skapa tækifæri til að auka hlutafé fyrir framtíðarvöxt félagsins.

Samþykkt ársreiknings

Árshlutareikningur fyrir fyrsta ársfjórðung 2009, fyrir félagssamstæðu Össurar hf. var samþykktur á stjórnarfundum þann 27. apríl 2009. Árshlutareikningurinn er gerður í samræmi við alþjóðlega reikningsskilastaðla (IFRS-International Financial Reporting Standards).

Samkvæmt reikningsskilareglum miðast umreikningur rekstrarliða milli gjaldmiðla við meðalgengi rekstrartímabils. Við umreikning efnahagsliða er notað gengi í lok ársfjórðungsins.

Nánari upplýsingar

Jón Sigurðsson, forstjóri	sími: 515-1300
Hjörleifur Pálsson, fjármálastjóri	sími: 515-1300
Sigurborg Arnarsdóttir, fjárfestatengill	sími: 515-1300

Eftirfarandi dagsetningar sýna áætlaða birtingu uppgjöra fyrir árið 2009:

Viðburður	Dagsetning
2. fjórðungur	28. júlí 2009
3. fjórðungur	27. október 2009
4. fjórðungur	4. febrúar 2010
Aðalfundur 2009	19. febrúar 2010

Fréttatilkynningar frá Össuri sendar með tölvupósti

Ef óskað er eftir því að fá fréttatilkynningar frá Össuri sendar með tölvupósti, er hægt að skrá sig á eftirfarandi síðu: <http://www.ossur.com/investormailings>

Ef ósamræmi er milli ensku og íslensku fréttarinnar, gildir enska útgáfan.